

**DECRETA S.MI
D.N.D. CLEMENTIS
PAPAE 8. PRO
REFORMATIONE
FRATRUM...**

Agostiniani, Clemens 8.>




FR. FVLVIVS ASCVLANVS
Vicarius Generalis Apostolicus, Ordinis Fratrum
Eremitarum S. Augustini licet indignus.

Ven. in Christo dilectis, quarumcumque Prouinciarum, & Congregationum, eiusdem Augustinianæ Familiae Patribus, ac
Fratribus. salutem in Domino Sempiternam.

ET SI certò scimus Prædecessorem nostrum Reuerendissimum P. Generalem Magistrum Alexandrum Senensem, per quascumque Prouincias, & Congregationes nostri Ordinis Eremitarum S. Augustini promulgasse S. D. N. Clementis VIII. Decreta pro reformatione eiusdem nostri Ordinis Fratrum Eremitarum S. Augustini, quia tamen eorundem Decretorum obseruantiam, in precipuis maxime, nostræ Religionis Conuentibus uehementer cupimus, (quemadmodum ten, & quater publicis nostris literis, hanc nostram mentem declarauimus) eam ob rem hæc Decreta nunc typis depromere iussimus: & cunctis Prouincijs, Congregationibus, & maioribus nostri Ordinis Conuentibus, transmitti curabimus: quo executioni ea mandentur, & nullus sit frater noster, qui de eis ignorantiam prætereundum valeat. Atque ut cuncta ista seruentur, cum Diui P. N. Augustini regula, semel in septimana etiam uobis legantur. Donet Dominus, ut obseruetis hæc omnia, tanquàm spiritualis pulchritudinis amatores, & bono Christi odore, de bona conuersatione fragantes, non sicut serui sub lege, sed sicut liberi sub gratia constituti. Bene in Domino valete.

CLEMENS PAPA VIII.

1.  Vllus omninò prætextu cuiuscumq; priuilegij, vel superioritatis, etiam Generalatus, à seruitio chori censeatur immunis, nisi pro tempore, quo quis in proprij officij munere actu fuerit occupatus. Cum lectoribus autem, & Prædicatoribus, superiores ijs tantum diebus, quibus eos legere; aut prædicare contigerit, dispensare possint; Idem quoq; præstare valeant cum ægrotis; & studiorum causa legitimè impeditis. In eos verò, qui negligentes, aut inobedientes fuerint, salutari penitentia superiores animaduertant ad præscriptam Regulæ, & Constitutionum, alimenti etiam si opus fuerit subtractione.
2. Lectio Sacræ Scripturæ, vel casuum conscientie bis in hebdomada præscriptis diebus in singulis conuentibus habeatur, ad quam fratres omnes conueniant, eaq; absoluta mutua collatione circa explicatam doctrinam sese utiliter exerceant.
3. Quo Tridentini Concilij Decreta de Paupertatis voto custodiendo fidelius obseruentur; Præcipitur, vt nullus ex fratribus, etiam si superior sit; bona immobilia, vel mobilia, aut pecuniam, prouentus, census, eleemosynas, siue ex concionibus, siue ex lectionibus, aut pro Missis, tam in propria Ecclesia, quàm vbicunq; celebrandis, aliouè ipsorum iusto labore, & causa, & quocunq; nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit: sed ea omnia statim superiori tradantur, & conuentui incorporentur, atq; cum cæteris illius bonis, redditibus, pecunijs, ac prouentibus confundantur, quò communis inde victus, & vestitus omnibus suppeditari possit.
4. Neq; superioribus, quicunq; illi sint, vllò pacto liceat eisdem fratribus; aut eorum alicui bona stabilia, etiam ad vsufructum, vel vsu, administrationem, aut commendam, etiam depositi, aut custodiæ nomine concedere.
5. Eorum verò, quæ ad necessitatem concessa erunt, nullus quicquam possideat, vt proprium, neque vt proprio vtatur.
6. Qui in præmissorum aliquo deliquerit, penas, nedum à Concilio Tridentino præscriptas: sed alias quoque multo grauiores, superiorum arbitrio imponendas, incurrat.
7. Nulla quorumcunq; superiorum dispensatio, nulla licentia, quantum ad bona immobilia, vel mobilia fratres excusare possit, quo minus culpæ, & penæ ab eiusdem Concilij Decretis impositæ, & ipso facto incurrendæ, obnoxij sint, etiam si superiores assuerent hmōi dispensationes, aut licen-

- tias concedere posse, quibus in ea re fident minimè adhiberi volumus.
- 8 Fratrū vestitus, & suppellex cellarum ex communi pecunia comparatur, & omninò vniformis sit fratrum, & quorumcūq; superiorum statuiq; paupertatis, quàm professi sunt, conueniat: ita vt nihil superflui admittatur; nihil etiam, quod sit necessarium alicui denegetur.
- 9 Quæcūq; fratrum vestes, siuè laneæ, siuè lineæ, omnisq; alia suppellex in aliquem cōmodum Conuentus locū deferantur, ibiq; ab vno, vel duobus fratribus huic muneri deputatis diligenter custodiātur, vt inde superioris arbitrio, prout vnicuique opus fuerit, subministrare opportunè possint.
- 10 Omnes etiam superiores, quicunque illi sint, eodem pane, eodem vino, eodemq; obsonio, siuè eadem (vt aiunt) pitantia, in communi mensa prima, vel secunda, nisi infirmitatis causa impediti fuerint, vescantur; neque singulare aliquid, quo priuatim quisque in cibum vtatur, vllō modo afferri possit, si quis in ea re peccauerit, nihil ea die alimenti percipiat, nisi panem, & aquam.
- 11 Superiores omnes etiam Generalis; qui redditus, aut præstationes peculiares ratione officiorum habent, eorū accepta, & expensa in libro distincto fideliter, & diligenter adnotari curent, neq; in alios vsus, quàm ratione officij sui necessarios; quicquam expendant. Cum verò contigerit ipsos in aliquo Conuentu commorari, eam pecuniæ quantitatem in commune conferant, ex qua sibi, & ijs, qui secum erunt, victus ad præscriptum Regulæ, & Constitutionum suppeditetur.
- 12 Nullus ex superioribus, locorum administrationem bonorum, aut aliarum rerum, dispensationemq; pecuniarum, & reddituum sui conuentus, etiam nomine conuentus, per seipsum habere, siuè exercere possit; sed vniuersum id onus tribus fratribus eiusdem conuentus à Generali ita demandetur, vt vnus rerum, & bonorum, reddituumq; colligendorum, ac exigendorum curam habeat; alter tanquā Depositarius; pecunias, ac cætera ab illo collecta, & exacta fideliter asseruet; alius de pecunijs, & rebus à Depositario acceptis Priori, & fratribus, ac Conuentui vniuerso de necessarijs; mandante tamen ipso Priore, non secundum proprium affectum: sed iuxta charitatis regulam veluti bonus dispensator prouideat officiorum huiusmodi confusione penitus interdicta.
- 13 Cæterum hi tres, tam impensi, quàm accepti singulis mēsis suo Priori adhibitis ēt duobus, vel tribus fratribus eiusdem Conuentus probatoribus, rerumq; vsu peritis, rationem reddant. Deinde ipsimet rursus præsentibus Priore, & peritis prædictis, Generali, cum Assistentibus, cum aduenerint: deniq; ipse Generalis, ac Assistentes in quolibet proximo Capitulo Generali saltem coram tribus iudicibus, ab ipso Capitulo ad hoc constitutis

tutis illorum omnium, vniuersamq; suę administrationis, tā publicę, quā priuatę rationem reddere teneantur, cuius etiam exemplum authenticum ex actis Capituli describatur, ad hoc, vt ad omne mandatum nostrum, vel Sedis Apostolicę Romam transmitti possit.

14 In vno quoq; Conuentu fratrum, is tantum deinceps constituatur, & in posterum retineatur numerus, qui ex redditibus illius proprijs vel ex cōmunibus consuetis, vel etiam singulorum eleemosynis, alijsuē quibuscūq; obuentionibus in commune (vt præfertur) conferendis, commodē possit sustentari : redditus verò, & supradicta omnia in communi loco, ac tuto, diligenter asseruentur.

15 Superioribus autem, nec Concilij Tridētini, aut hæc nostra Decreta declarare, interpretari, aut relaxare vllō modo possint, omninō interdiciamus, & prohibemus, decernentes irritum, &c. si quis autem contra præsumpserit attentare, is eo ipso omni gradu, officioq; priuatus, & ad ea perpetuò inhabilis existat.

16 Nullus nisi actū legat, vel prædicet, aliquo sui gradus priuilegio gaudeat.

17 Si alicui ex necessaria causa, Generalis iudicio probanda, socius ex eodē ordine, qui illi ministret cōcedendus erit, is nisi vigesimum quintum agat annum, & qui communi seruitio sit deputatus, non concedatur, & si commodē fieri potest, sit Laicus conuersus.

18 Vt omnis scandalorum, & vagationis occasio tollatur, Conuentus clausura perpetuò, ac diligenter seruetur, ac propterea à Superiore Ianitor cōstituatur, qui diligentia, ac morum integritate maximē commendetur : is ianua custodiendę semper assistat, eamq; nemini fratrum aperiat, nisi socium, & exeundi licentiam obtinuerit.

19 Nullus à Conuentu egredi audeat, nisi ex causa, & cum socio, licentiāq; singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumq; exituro adiungat, non petentis rogatu : sed arbitrio suo, neque eundem sæpius. Licentię verò Generales exeundi, nulli omninō concedantur.

20 Contrauenientes autem pœna graui, etiam carceris ad Superioris arbitrium plectantur, eandē etiam Ianitor subeat, si sciens exeundi facultatem fecerit.

21 Cum autem quis in Conuentum reuertitur, Superiorem iterum adhibebit benedictionem recepturus, qui à socio itineris rationem, & quid rei actum sit diligenter perquirat.

22 Nullos fratres Romam venire Superiores permittant, nisi prius à Generali, vel Protectore dumtaxat licentiam in scriptis impetrauerint.

23 Si quis autem sine hmōi facultate Romā venire præsumpserit, voce actē
ua, &

- ua, & passua biennio priuatus existat, subiturus etiam alias arbitratu Superiorum infligendas poenas. Quæ item omnia aduersus eos, qui supradictos ad miserint, & receperint sine vlla exceptione locum habeant.
- 24 Habeat Superior clauem ita fabrefactam, vt cum sibi videbitur, cellas omnes referare possit, & propterea nullus cellam, etiam noctu ita claudat, quin semper à Superiore possit aperiri.
- 25 In medio Dormitorij totam noctem lampas colluceat.
- 26 Nullus est superior cellas, siue in claustro, siue alibi separatas à communi Dormitorio habeat: sed vnusquisque vnica cella, eadem cum cæteris aliorum fratrum coniuncta, nudis omnino parietibus, ac lecto, & mensa humilibus, vniformique suppellectili (vt præfertur) quemadmodum Religiosos decet, contentus sit. possit tamen Generalis vnà cum suis Assistentibus alicui ex superioribus Conuentuum si eorum muneris, & officij necessitatem id exigere cognouerit, alteram etiam cellam concedere.
- 27 Celle, siue ædicule, quæ extra Dormitorium separatim sunt; ad officinas, aut alias ad communem vsum, & commoditatem Conuentus redigantur.
- 28 Sigillatim suo quisque lecto cubet, neq; vllibi duo eodem lecto dormire possint, qui omnes ad certam formam redigendi erunt.
- 29 In priuatis cellis nulli camini permittantur, sed omnes obstruantur statim, cardinibus etiam è parietibus conuulsis, vt res illa non ad tempus facta, sed perpetuò duratura videatur, cellis tamen Generalis, aut alterius superioris, ac Prædicatoris exceptis.
- 30 Cõuentus fenestræ omnes, quæ in vias publicas, aut in vicinas laicorum ædes prospiciunt, muro ita obstruantur, vt oñdò is prospectus impediatur.
- 31 Valetudinarium in singulis Conuentibus certo, ac salubriori loco constitutatur, quod pro loci situ, ac fratrum numero, quoad fieri poterit, commodissimum esse possit, in quo fratres omnes, cum ægrotabunt, curentur, nec inde nisi recuperata sanitate abire permittantur. Qui verò infirmorum curæ prepositi sunt, omni sedulitate, ac charitate operam suam præstabunt ac curabunt, ne quid ægotis omnino desit, quod ad sanitatem recuperandam pertineat.
- 32 Ineat ratio, qua, sublati licentijs, ac facultatibus hætenus quibuscūq; concessis degentes extra Conuentus claustra, ad ea quamprimum reuocentur, nec de cætero nisi ex grauissima causa à Sede Apostolica probanda, huiusmodi Facultates concedi possint.
- 33 Nulli in posterum ad habitum, aut professionem admittantur, nisi in Conuentibus per Sedem Apostolicam in qualibet Prouincia deputandis.
- 34 Curent superiores, vt Constitutio interdicens largitiones munerum, & præscribens hospitalitatis formam, ab omnibus in quolibet Con-

uentu inuiolabiliter obseruetur .

- 35 Vt omnis officiorum ambitus occasio præcludatur, caueant omnes à directâ, vel indirectâ vocum, seu suffragiorum procuratione, tam pro se ipsis, quàm pro alijs, tum in Capitulis locorum, tum in cæteris præsertim Generalibus Capitulis, aut Congregationibus, seu alibi. Quicumque secus fecerint, præter alias pœnas, & censuras hætenus contra huiusmodi ambientes inflictas, quas in suo robore permanere volumus, in pœnam priuationis officiorum, quæ obtinent eo ipso incidant, & ad futura quæcumq; pariter inhabiles habeantur, super quo cum eis dispensari à nemine possint, nisi à nobis, vel successoribus nostris, & pro qualitate culparum grauius etiam pleantur. Porro supradictas omnes pœnas ad complices, ac simpliciter scientes, & non reuelantes extendimus.
- 36 In superiorum, & officialium omnium electionibus forma præscripta à sacro Concilio Tridentino, & ordinis Constitutionibus inuiolabiliter seruetur, iurentq; electores secundum veritatem cuiusq; conscientie probiores, ac magis idoneos se electuros, ac propterea priusquam ad electionem deueniatur, in primis, & ante omnia prælegantur Constitutiones de qualitate, & requisitis eligendorum. Ad officia gradus, & Prælaturas illi præcipue eligantur, qui possint, & consueuerint regulas ordinis, & Constitutiones obseruare, præsertim quæ pertinent ad seruitium Chori, ac vestitum, & victum commune.
- 37 Eligantur in Capitulo Generali, vel Prouinciali aliquot graues, & periti ex fratribus cuiuslibet Prouinciæ, saltem tres, qui admittendos ad prædicationem Verbi Dei, vel ad audiendas confessiones sūt ipsorum fratrum, ac Lectores publicos diligenter simul examinent, priusquam probentur, & ad hmoi ministeria admittantur. Horum etiam curæ sit examinare, & probare, tam quoad doctrinam, q̃ quoad mores promouendos ad quoscumque ordines, in quo seruetur decretum Congregationis interpretum Sacri Concilij Tridentini, hac de causa nuper æditum, & promulgatum.
- 38 Illud porro superiores omnes in Domino admonemus, vt memores sint rōnis, quam in nouissimo die reddituri sunt pro Grege sibi commisso, ac p̃p̃ea omni studio inagilent, vt quæ in eorundem ordinis, regulis, & Constitutionibus de oratione mentali, silentio, ieiunijs, Capitulo culparum, alijsq; spiritualibus exercitijs prudenter, ac piè sancita sunt, ea omnia, & singula ad vnguem obseruentur; intelligantq; super his veluti fundamentis oīum Religionum ædificia construenda, & amplianda esse, quæ vt faciliorem exitū fortiantur, & fructus vberiores in animis fratrum producant, valde opportunum erit, si in quolibet Conuentu, singulis hebdomadis habetur sermo de religiosa disciplina, regulariq; obseruantia.

- 39 Quo verò omnia ordinatè peragantur, appendatur tabella in loco conspicuo vniuscuiusque Conuentus, in qua distinctè adnotetur quid singulis horis, cuiusq; diei quilibet frater præstare debeat, vt certo quoque signo præmonitus, maiore animi præparatione suo muneri satisfacere possit. Quæ ordinis Constitutiones, his Decretis non aduersantur, inuiolatè custodiendæ erunt.
- 40 Quibus horum Decretorum capitibus certa pœna præscripta non est, arbitrio Generalis, vel alterius immediati superioris infligatur. Vt autem hæc Decreta (donec alia, quæ ad plenierem supradiçti ordinis reformationem facient, ædantur) ab omnibus obseruari possint, districtè præcipimus Generali, ac omnibus alijs quibuscunque superioribus, ad quos hoc spectat, vt curent, ac efficiant, ea omnia inter alias eorundè Ordinis Constitutiones perpetuò valituras redigi, interdicta omninò eorum singulis facultate illas declarandi, & aduersus eas vnquam dispensandi. Alioquin sciant se in pœnam Generalatus, & officiorum priuationis, ac inhabilitatis perpetuæ, ad alia quoque munera ipso facto, & sine vlla exceptione respectiue incidisse.
- 41 Ne verò prætextu dilatæ publicationis eorum obseruatio, quoquo modo differri possit, aut impediri, volumus, vt post illorum publicationem in Conuentu Sancti Augustini de Vrbe factam, Generalem, aliosq; ordinis Superiores, cæterosq; quoscumq; fratres præsentis, statim; reliquos verò absentes citra Montes, vnius Mensis; vltra Montes, trium Mensium spatio ita arceant, ac si eorum singulis personaliter intimata fuissent.
- 42 Insuper mandamus, quod Generalis in singulis Conuentibus citra montes vnius mensis; vltra verò montes trium mensium cursu Decreta supradiçta publicari faciat, sub pœna priuationis Generalatus, alijsq; arbitrio nostro imponendis. Datum Romæ apud Sanctum Petrum, die 25. Mensis Iulij M. D. X C I X.

A. Sorbolongus Secr.